

1

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK

Broj: 01-04-3250  
Datum: 11.06.2021

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 03/16) Gradonačelnik u svojstvu predlagača propisa i drugih akata

## O d r e đ u j e

Izjestioca: Šuhret Fazlić , na sjednici Gradskog vijeća i radnim tijelima po prijedlogu tačke dnevnog reda:

- O D L U K A o plaćanju taksa i naknada u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta



Gradonačelnik:

Šuhret Fazlić

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK**

Broj:

Datum:

Gradsko vijeće Grada Bihaća

**PREDMET: O D L U K A** o plaćanju taksa i naknada u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta

Na osnovu člana 52. tačka b) Statuta Grada Bihaća („Službeni glasnik Grada Bihaća“, br.13/15 i 18/15) Gradskom vijeću Grada Bihaća predlažem O D L U K U o plaćanju taksa i naknada u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta (u daljem tekstu: Odluka)

**Objasloženje**

**- PRAVNI OSNOV**

Pravni osnov sadržan je u članu 21. tačka c) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11) i članu 35. tačka j) Statuta Grada Bihaća („Službeni glasnik Grada Bihaća“, br.13/15 i 13/18) kojim je propisano da Gradsko vijeće donosi odluke o upravljanju i raspolaganju imovinom Grada.

**- RAZLOZI DONOŠENJA**

Objekat Doma zdravlja u Bihaću pretrpio je velika oštećenja usljed zemljotresa koji je 29.12.2020.godine pogodio region sa epicentrom u Petrinji u susjednoj Hrvatskoj. Dom zdravlja postao je nesiguran za rad i pružanje usluga građanima grada Bihaća.

Prema nalazima ovlaštenih inženjera, zgrada Doma zdravlja u Bihaću nije za upotrebu zbog narušene mehaničke stabilnosti i sigurnosti. Stoga je bilo potrebno odmah reagovati kako bi se osiguralo pružanje zdravstvene zaštite građanima Bihaća, prioritarno izmještanjem službi, jer prema procjeni statičara jedino su

središnji blok prizemlja i prvog sprata objekta sigurni od urušavanja. Brojne službe Doma zdravlja su izmještene na čak osam različitih lokacija u Bihaću, što otežava situaciju i uposlenicima, ali i pacijentima.

Nakon izrade i razmatranja Elaborata o statičkoj stabilnosti objekta Doma zdravlja, koji je izradila i prezentirala firma „EuroIng“ d.o.o.Bihać, predložena je izgradnja novog objekta na parceli do postojećeg objekta.

Dom zdravlja Bihać pruža usluge zdravstvene zaštite za gotovo 60.000 stanovnika, a u uvjetima uzrokovanim pandemijom koronavirusa pruža dodatne napore i osigurava uvjete za omogućavanje pristupa zdravstvenoj zaštiti svim stanovnicima Bihaća, stoga je naša obaveza, a koja proizilazi i iz člana 12. tačka r) Zakona o lokalnoj samoupravi Unsko-sanskog kantona, da poduzimamo mjere za osiguranje higijene i zdravlja. U cilju davanja podrške Vladi USK-a u rješavanju ovog, za građane grada Bihaća, veoma važnog problema, predlažem da u ime ZU „Dom zdravlja“Bihać Grad Bihać plati sve troškove(takse i naknade) u postupku pribavljanja akata o građenju za izgradnju nove zgrade Doma zdravlja i odobrenja za upotrebu objekta.

## FINANCIJSKA SREDSTVA

Za realizaciju ove Odluke potrebna su finansijska sredstva koja će biti obezbijedena rebalansom Budžeta Grada Bihaća za 2021.godinu.

Prilog: O D L U K A o plaćanju taksa i naknada u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta



Gradonačelnik:  
Šuhret Fazlić

Na osnovu člana 21. tačka ć) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11) i člana 35. tačka j) Statuta Grada Bihaća („Službeni glasnik Grada Bihaća“ broj 13/15 i 13/18) Gradsko vijeće Bihać na \_\_\_\_\_ sjednici održanoj dana \_\_\_\_\_ godine, donijelo je

## O D L U K U

o plaćanju taksa i naknada u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta

### I

Grad Bihać se obavezije da za ZU „Dom zdravlja“ Bihać platiti sve takse i naknade u postupku pribavljanja akata o građenju za izgradnju nove zgrade Doma zdravlja Bihać i odobrenja za upotrebu objekta i to:

- administrativne takse propisane Odlukom o gradskim administrativnim taksama Grada Bihaća;
- naknadu za uređenje gradskog građevinskog zemljišta;
- naknadu iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnina – renta,
- eventualno, naknadu za sklonište ukoliko se sklonište ne bude moglo izgraditi;
- nadnadu za rad Komisije za tehnički prijem.

### II

Sredstva za izvršavanje obaveze Grada Bihaća iz tačke I ove Odluke će se obezbijediti u rebalansu Budžeta Grada Bihaća za 2021. godinu.

### III

Ukupan iznos sredstava potrebnih za izvršavanje obaveze Grada Bihaća iz tačke I ove Odluke će se utvrditi u postupku izdavanja akata o građenju i odobrenja za upotrebu objekta.

### IV

Ova Odluka stupa na snagu osmog dana od dana objavljivanja u Službenom glasniku Grada Bihaća.

Broj:  
Datum:

Predsjedavajući Gradskog Vijeća:  
Zulfikar Handukić